

Unsaon Nato Pagkahibalo Mahitungod sa Umalabot?

Leksyon 1

1. Kinsa ang naggahum sa mga tawhanong panghitabo?

Daniel 2:20-21

“Ang Labing Halangdon Uyamut nagadumala sa gingharian sa mga tawo, ug nagahatag niana kang bisan kinsa nga iyang hiuyonan, ug nagapahaluna niana sa labing ubos sa mga tawo.”

Daniel 4:17

Usa ka magsusulat naghulagway sa kagahum sa Dios pinaagi niining mga pulunga:

“Ibabaw sa kalibog sa yuta Siya nagalingkod nga binayaw; ang tanang mga butang dayag sa Iyang balaang pagsusi; ang gikan sa Iyang daku ug hilum nga pagkawalay-katapusan Siya nagmando sumala sa Iyang nakita nga pinakamaayo sa Iyang pagbantay.”

Ug wala gitago sa Dios nga sekreto ang Iyang mga plano:

“Sa pagkamuod ang Ginoong Jehova dili magbuhat sa bisan unsa, gawas kong ang Iyang tinago igapadayag Niya sa Iyang mga alagad, ang mga manalagna” Amos 3:7

2. Unsa ka dugayon sukad gipadayag sa Dios ang Iyang mga plano?

Isaias 46:10

3. Asa nakakuha ug impormasyon ang mga balaang profeta sa Dios sa karaang panahon?

2 Pedro 1:21

Ang Bibliya mahimong dawaton “dili ingon nga pulong sa tawo kondili ingon nga mao gayud sa pagkatinuod, ang pulong sa Dios” 1 Tesalonica 2:13

4. Unsa ang kasiguruhan nga gihatag sa Salmista nga ang karaang pulong sa Dios mahimong makasaligan niining ulahi nga mga adlaw?

Salmo 12:6,7

Si Apostol Pedro nagpahayag sa iyang pagsalig sa karaang profesiya ug usab sa ilang ka importante alang sa atong panahon karon:

“Labi pa gayud diay nga nahimatud-an ang pulong sa profesiya nga among ginabatonan. Maayo nga inyong himoon ang pagtagad niini maingon sa inyong pagtagad sa usa ka suga nga nagasiga sa dapit nga mangitngit, hangtud mobanagbanag ang panahon ug mosubang ang bitoongkabugasyon diha sa inyong mga kasingkasing” 2 Pedro 1:19

Ang mga Bereanhon sa sigurado gayud naminaw sa sigurado nga pulong sa profesiya:

“Ug kining mga Judioa mabuot pa kay sa mga Judio didto sa Tesalonica, kay kini sila midawat man sa pulong uban sa bug-os nga pagkamasibuton, nga sa adlaw-adlaw nanagtoon sa kasulatan, sa pagsusi kon tinuod ba gayud ang mga butang nga gisulti kanila” Buhat 17:11

5. Pinaagi sa unsa nga atong kinabuhian ang atong kinabuhi?

Mateo 4:4

“Paningkamoti pag-ayo ang pagpakita sa imong kaugalingon sa atubangan sa Dios ingon nga iyang nahimut-an, usa ka magtatrabaho nga dili kinahanglan magakaulaw, nga sa hustong paagi magapanudlo sa pulong sa kamatuoran.” 2 Timoteo 2:15

6. Sigurado ba kon kita ang maghubad sa mga tagna sa Bibliya?

2 Pedro 1:20

“Dili ba ang paghubad iya ra sa Dios?” Genesis 40:8. Ang usag-usa adunay lahi nga paghubad sa Bibliya. Mao nga walay kasiguruhan kon kita magsalig sa hubad sa usa ka tawo, bisan gani sa atong kaugalingon. Ayaw hubara ang Bibliya; tugoti nga ang Bibliya ang maghubad sa iyang kaugalingon. Kon ikaw adunay mabasahan sa Bibliya nga dili nimo masabtan, inay sa pagsalig sa imong kaugalingong panghunahuna, pangitaa ang ubang bersikulo sa Bibliya nga mupahayag sa kahulugan sa laing lisud nga pasahe.

Ang Bibliya mismo magsulti kanato unsaon kini pagtuon: “Kay kini mao ang sugo ibabaw sa sugo, sugo ibabaw sa sugo; lagda ibabaw sa lagda, lagda ibabaw sa lagda; dinhi madiyutay, didto madiyutay” Isaias 28:10

Tungod niini, “kita magahubad sa mga kamatuoran nga espirituhanon ngadto sa mga tawo nga espirituhanon”, Kasulatan ngadto sa Kasulatan, gitugotan nato nga ang Bibliya maghubad sa iyang kaugalingon. 1 Corinto 2:13

Mahimong kita matintal sa paghuna-huna nga kita adunay natural nga katakus sa pagsabot sa pulong sa Dios, apan kita wala’y katakus:

“Ang tawo nga kalibutanon dili magadawat sa mga igatudlo sa Espiritu sa Dios, kay alang kaniya kini mga binoang, ug siya dili arang makasabut niini tungod kay kini ugod kinahanglan mang pagatugkaron sa espirituhanon nga paagi.” 1 Corinto 2:14

7. Usahay ang Dios magatago sa mga butang gikan sa mga gika-ingon nga maalamon, ug nagapadayag niini sa kang kinsa?

Mateo 11:25 _____

8. Kinsa ang atong kinahanglan aron magtudlo nato?

Juan 14:26 _____

Sa dihang kita magtuon sa Bibliya kinahanglan kita mag ampo kanunay nga ang Balaang Espiritu mogiya sa atong mga huna-huna ug motabang kanato sa pagsabot sa Iyang pulong.

9. Kanunay ba nga sigurado ang pagsunod sa atong gituohan nga insakto?

Proverbio 14:12 _____

10. Giunsa paghulagway ang katapusang panahon?

2 Timoteo 3:1 _____

11. Ang mga dautang tawo ug mga manunulay motungha nga magabuhat ug unsa?

2 Timoteo 3:13 _____

12. Ang mga mini nga manalagna muabot ug magpakita ug unsa?

Mateo 24:24 _____

13. Ang ilang mga milagro nailhan nga mulad ni kinsa?

Mateo 24:24 _____

14. Aron sa paglikay sa mga pag-ilad, unsa man ang atong buhaton sa atong mga panghuna-huna?

1 Tesalonica 5:21 _____

15. Sumala sa unsa nga mga pulong atong sulayan ang tanang butang?

Isaias 8:20 _____

16. Sa kang kinsa man nga mga sinulat kinahanglan kita magatoo aron sa pagdawat sa mga pulong ni Jesus?

Juan 5:46-47 _____

“Kon sila dili manimati kang Moises ug sa mga profeta, nan, dili sila malukmay bisan pa kon adunay mabanhaw gikan sa mga patay” Lucas 16:31

Ang mga apostoles miila sa Karaang Tugon isip “balaan nga kasulatan nga makagagahum sa pagtudlo kanimo ngadto sa kaluwasan pinaagi sa pagtoo kang Cristo Jesus” 2 Timoteo 3:15

“Ang tibuok nga Kasulatan gituga sa Dios ug may kapuslanan alang sa pagpanudlo, alang sa pagpamadlong, alang sa pagpanul-id ug alang sa pagmatoto sa pagkamatarung.” 2 Timoteo 3:16-17

17. Unsa ang nakapadaut sa mga katawhan karon?

Oseas 4:6 _____

18. Unsa ang pulong sa Dios alang kanato?

Salmo 119: 105 _____

19. Unsa ang atong katungdanan mahitungod sa kahayag nga gihatag sa Dios kanato?

Juan 12:35 _____

20. Unsa ang atong buhaton aron kita makahibalo kon ang doktrina iya ba sa Dios?

Juan 7:17 _____

“Ang mga sekreto sa Dios anaa kanila nga nahadlok Kaniya; ug kanila igapadayag Niya ang iyang tugon” Salmo 25:14

21. Unsa man ang gusto sa Dios nga ipakita kanato?

Jeremias 33:3 _____

“Oo, kong ikaw magasangpit sa salabutan, ug magapatugbaw sa imong tingog alang sa pagpakasabot; kon ikaw mangita Kaniya ingon nga salapi, ug magapangita Kaniya ingon sa tinipigan nga mga bahandi: Unya ikaw makasabot sa pagkahadlok kang Jehova, Ug hikaplagan mo ang kahibalo sa Dios.” Proverbio 2:3-5

Diha sa Kahayag sa Pulong sa Dios....

o Ako nakasabot nga ang tibuok Kasulatan mao ang pulong sa Dios, kasaligan, ug mao ang sulayanan sa tanang mga butang.

o Ako naghandum sa pagtuon sa makugihon gayud sa pulong sa Dios, ug magtugot niini sa paggiya sa matag aspeto sa akong kinabuhi.

Dugang komentaryo: _____

Pangalan: _____

Sunod nga leksyon: Adunay bay Umaabot nga Usa ka Goberno sa Kalibutan?